

DOKUMENTACIJA ZA PROVOĐENJE JAVNOG POZIVA

a) Osnov raspisivanja i provođenja Javnog poziva

Osnov raspisivanja i provođenja Javnog poziva za podnošenje prijava za dodjelu sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ je Programa utroška sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama - Sportske igre mladih“, koji je sastavni dio Odluke o usvajanju Programa utroška sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama - Sportske igre mladih“ („Službene novine Federacije BiH“, broj: 56/26).

b) Uputstvo za podnosiocima prijava

I – OPIS PROBLEMA U OBLASTI KOJA JE PREDMET FINANSIRANJA

Sve veći broj djece i mladih vodi sjedilački način života uslijed prekomjerne upotrebe digitalnih tehnologija, dok istovremeno mnoge porodice nisu u mogućnosti finansirati članarine u sportskim klubovima.

Ovakvo stanje dovodi do lošijeg fizičkog i mentalnog zdravlja, nedostatka inkluzije ranjivih kategorija i povećane socijalne isključenosti djece iz ruralnih sredina.

Uzroci problema leže u nedovoljnoj infrastrukturi i nedostatku besplatnih, masovnih sportskih manifestacija koje promovišu toleranciju, fair-play i timski duh.

II – OPĆI I POSEBNI CILJEVI PROGRAMA

Opći i posebni ciljevi Programa su:

- promocija zdravih stilova života i masovnog bavljenja sportom,
- povećanje socijalne inkluzije djece i ravnopravnog učešća djece iz osjetljivih i ranjivih kategorija u sportskim aktivnostima,
- poštivanje različitosti,
- promovisanje zdravih stilova života,
- povećanje ekološke svijesti i
- zaštita dječijih prava.

III –VRIJEDNOST PROGRAMA

Ukupna vrijednost Programa je 350.000 KM, što je ujedno i najniži i najviši iznos sredstava koji može biti dodijeljen, u zavisnosti od broja prijava koje zadovoljavaju uslove javnog poziva.

IV – CILJNA GRUPA

Ciljna grupa, potencijalni podnosioci prijava koji imaju pravo da podnesu prijavu su udruženja i fondacije registrirane za obavljanje djelatnosti u oblasti sporta, koja imaju iskustvo u realizaciji sportskih programa za djecu i mlade na području više jedinica lokalne samouprave, te koja imaju uredno finansijsko poslovanje, bez dospelih a neizmirenih obaveza po osnovu javnih prihoda.

V – PRIHVATLJIVE AKTIVNOSTI ZA PROVOĐENJE PROGRAMA ILI PROJEKTA

Prihvatljive aktivnosti za provođenje programa ili projekta su:

- Organizacija i realizacija sportskih takmičenja,
- Edukativne i radioničke aktivnosti
- Logistika, nabavka i tehnička priprema
- Promocija i vidljivost projekta

VI - PRIHVATLJIVI TROŠKOVI KOJI SE MOGU FINANSIRATI DODIJELJENIM SREDSTVIMA

Prihvatljivi troškovi koji se mogu finansirati dodijeljenim sredstvima su sljedeći:

- Organizacijski troškovi manifestacije/događaja/edukativnih radionica,
- Troškovi prijevoza učesnika i organizatora,
- Nabavka sportske opreme i rekvizita i
- Troškovi promotivnih kampanja.

Prihvatljivi troškovi se priznaju za period januar 2026. – decembar 2026. godine.

VII – PROCENT ILI IZNOS SREDSTAVA KOJI SE ODNOSI NA FINANSIRANJE ADMINISTRATIVNIH TROŠKOVA

Na ime administrativnih troškova može se pravdati iznos do 10% vrijednosti sredstava dodijeljenih od strane Vlade Federacije Bosne i Hercegovine.

VIII - NEPRIHVATLJIVI TROŠKOVI KOJI SE NE MOGU FINANSIRATI DODIJELJENIM SREDSTVIMA

Neprihvatljivim troškovima, troškovima koji se ne mogu finansirati dodijeljenim sredstvima, smatraju se svi troškovi koji nisu u skladu sa utvrđenim Prihvatljivim troškovima iz tačke VI ovog Uputstva.

IX – PRAVILA VIDLJIVOSTI

Pravila vidljivosti koja se trebaju poštovati u provođenju programa ili projekta su isticanje podrške Vlade Federacije Bosne i Hercegovine putem:

- **Izjava o finansiranju od strane Vlade Federacije Bosne i Hercegovine** na svim štampanim i digitalnim materijalima koja budu korištena tokom trajanja programa ili projekta,
- Redovno objavljivanje foto i video sadržaja na zvaničnim stranicama (Facebook, Instagram) uz obavezno tagovanje donatora Vlade Federacije Bosne i Hercegovine,

- **Video reportaža sa fokusom na inkluziju** kreiranjem kratkih video priča (reels/shorts) koje prikazuju uspješne priče o zajedništvu, učešću djece sa poteškoćama i djece iz ruralnih sredina, uz vizuelni potpis donatora Vlade Federacije Bosne i Hercegovine na videu i
- Slanjem saopštenja za javnost za medije svim relevantnim portalima, televizijama i radio stanicama.

X – OPIS POSTUPKA ADMINISTRATIVNE PROVJERE PRIJAVE

Uslovi koje podnosioci prijave trebaju zadovoljavati kako bi mogli konkurisati za dodjelu budžetskih sredstava su sljedeći:

Pravni status: Udruženja i fondacije registrovane za obavljanje djelatnosti u oblasti sporta na području Federacije Bosne i Hercegovine.

Iskustvo: Dokazano iskustvo u realizaciji sportskih programa za djecu i mlade na području više jedinica lokalne samouprave (JLS).

Finansijska urednost: Uredno finansijsko poslovanje, bez dospjelih, a neizmirenih obaveza po osnovu javnih prihoda (poreza i doprinosa).

Podnosioci prijave su dužni uz Prijavu na Javni poziv za dodjelu sredstava dostaviti popunjen i ovjeren *Obrazac za prijavu programa ili projekta za dodjelu sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“* (koji se nalazi u prilogu) sa sljedećim dokazima u originalu ili ovjerenoj kopiji:

1. **Aktuelno Rješenje o upisu u registar** nadležnog organa i važeći **Statut** (iz kojih je vidljiva sportska djelatnost).
2. **Uvjerjenje o poreskoj registraciji** (Identifikacioni broj - JIB).
3. **Potvrda/-e o minimalnom iskustvu od 2 (dvije) godine** uspješne realizacije sportskih programa/projekata za djecu i mlade na području više jedinica lokalne samouprave izdate od strane ranijih donatora, partnera ili JLS.
4. **Uvjerjenje Poreske uprave** o izmirenim direktnim porezima i doprinosima (ne starija od 3 mjeseca od dana predaje prijave).
5. **Uvjerjenje Uprave za indirektno oporezivanje (UIO BiH)** o izmirenim indirektnim porezima (ili potvrdu da organizacija nije PDV obveznik) (ne starija od 3 mjeseca od dana predaje prijave).
6. **Potvrda poslovne banke** da glavni račun udruženja/fondacije nije blokiran (ne starija od 15 dana od dana objavljivanja javnog poziva).

Napomena: Prijave koje ne ispunjavaju formalno-pravne uslove ili ne sadrže svu obaveznju dokumentaciju bit će automatski eliminisane iz daljeg procesa.

Prijave koje prođu formalno-pravnu provjeru bit će predmet ocjenjivanja prema pojedinačnim kriterijima iz tačke V Javnog poziva.

Podnosioci prijave su dužni uz Prijave, dostaviti sljedeće dokaze na osnovu kojih će Komisija vršiti bodovanje:

- a) Za kriterij „Obuhvat učesnika“

Dokaz: Popunjen tabelarni pregled iz Obrasca za prijavu programa ili projekta, Pisma podrške, saglasnosti ili memorandumu o saradnji potpisani sa općinskim/gradskim službama nadležnim za obrazovanje, kulturu i sport, ili javnim ustanovama (sportski

centri, dvorane, škole) na području tih općina/gradova i Izvještaj o realizaciji sličnih programa ili projekata koji sadrži konačne spiskove učesnika, biltene takmičenja ili zvanične statističke podatke organizatora o broju učesnika iz prethodnih godina.

b) Za kriterij „Teritorijalna zastupljenost“

Dokaz: Popunjen tabelarni pregled iz Obrasca za prijavu programa ili projekta i Pisma podrške, saglasnosti ili memorandumu o saradnji potpisani sa kantonalnim ministarstvima obrazovanja/sporta ili javnim ustanovama (sportski centri, dvorane) u tim kantonima.

c) Za kriterij „Kontinuitet realizacije programa“

Dokaz o iskustvu (godine): Popunjen tabelarni pregled iz Obrasca za prijavu programa ili projekta i potvrda/-e o uspješnoj realizaciji sličnih programa iz prethodnih godina na području više jedinica lokalne samouprave izdate od strane ranijih donatora (ministarstva, općine, međunarodne organizacije ili sl).

d) Za kriterij „Učešće jedinica lokalne samouprave (JLS)“

Dokaz: Popunjen tabelarni pregled iz Obrasca za prijavu programa ili projekta i kopije zvaničnih ugovora o dodjeli sredstava, rješenja o sufinansiranju ili ovjerena pisma namjere načelnika/gradonačelnika u kojima se navodi tačan novčani iznos podrške za 2026. godinu i/ili službena potvrda ili pismo namjere od strane JLS (ili javnih preduzeća/ustanova pod njihovom nadležnošću) kojom se garantuje besplatno korištenje sportskih terena, dvorana, obezbjeđenje komunalnih usluga ili prevoza.

e) Za kriterij „Finansijska konstrukcija programa“

Dokaz: Popunjen tabelarni pregled iz Obrasca za prijavu programa ili projekta i ugovori ili pisma namjere drugih donatora, sponzora o sufinansiranju programa ili projekta i/ili zvanična izjava ovlaštenog lica podnosioca prijave o iznosu vlastitih sredstava koja unosi u program/projekat.

f) Za kriterij „Kvalitet i sadržaj programa aktivnosti“

Dokaz: Popunjen tabelarni pregled iz Obrasca za prijavu programa ili projekta koji obavezno sadrži opravdanost postavljenih ciljeva i jasne definisanosti ciljnih grupa.

g) Za kriterij „Transparentnost i izvještavanje“

Dokaz: Popunjen tabelarni pregled iz Obrasca za prijavu programa ili projekta.

h) Za kriterij „Uključenost djece iz osjetljivih i ranjivih kategorija“

Dokaz: Popunjen tabelarni pregled iz Obrasca za prijavu programa ili projekta i/ili protokoli o saradnji ili pisma namjere potpisana sa specijalnim školama, centrima za socijalni rad ili udruženjima koja okupljaju djecu sa invaliditetom ili djecu iz socijalno ugroženih porodica, a koja potvrđuju njihovo organizovano učešće u igrama.

Da bi prijedlog programa ili projekta bio uzet u obzir za dodjelu finansijskih sredstava, mora ostvariti **minimalno 70 od ukupno 100 bodova** u fazi ocjenjivanja od strane Komisije.

Ostvarivanje 70 ili više bodova kvalifikuje podnosioca prijave za dodjelu sredstava, ali ne garantuje automatski odobrenje punog traženog iznosa.

Generalni sekretarijat Vlade Federacije Bosne i Hercegovine će, nakon okončanja svih aktivnosti Komisije za provođenje postupka raspodjele i dodjele sredstava, Vladi Federacije Bosne i Hercegovine dostaviti Prijedlog odluke o raspodjeli i dodjeli sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“, na razmatranje i usvajanje.

Generalni sekretarijat Vlade Federacije Bosne i Hercegovine će sa korisnicima sredstava, kojima sredstva budu dodijeljena odlukom Vlade Federacije Bosne i Hercegovine o

raspodjeli i dodjeli sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“, zaključiti ugovor o namjenskom korištenju dodijeljenih sredstava, kojim će, između ostalog, biti definisana dinamika doznake sredstava kao i modalitet za praćenje namjenskog trošenja dodijeljenih sredstava.

Podnosioci prijave, koji ispunjavaju formalno-pravne uslove a kojima ne budu odobrena budžetska sredstva, mogu podnijeti zahtjev da im se omogući uvid u zbirnu ocjenu njihove prijave i/ili prigovor o dodjeli budžetskih sredstava, u roku od 8 (osam) dana od dana objave Odluke o raspodjeli i dodjeli sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“ u „Službenim novinama Federacije BiH“.

Zahtjev/Prigovor se dostavlja u zatvorenoj koverti, preporučeno poštom ili se lično predaje na adresu:

**VLADA FEDERACIJE BOSNE I HERCEGOVINE
GENERALNI SEKRETARIJAT VLADE FEDERACIJE BOSNE I HERCEGOVINE
Hamdije Čemerlića 2
71000 Sarajevo**

sa naznakom:

„Zahtjev za uvid u zbirnu ocjenu prijave po javnom pozivu za dodjelu sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“-NE OTVARAJ“

ili

„Prigovor o dodjeli budžetskih sredstava utvrđenih Odlukom o raspodjeli i dodjeli sredstava utvrđenih Budžetom Federacije Bosne i Hercegovine za 2026. godinu Vladi Federacije Bosne i Hercegovine po Programu – Stručna podrška Vladi Federacije Bosne i Hercegovine i radnim tijelima na poziciji „Tekući transferi neprofitnim organizacijama – Sportske igre mladih“-NE OTVARAJ“

(Na poleđini koverta obavezno navesti naziv podnosioca prijave, tačnu adresu i broj telefona).